



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Matthaei Tympii Aureum Specvlvm Principvm,  
Consiliariorvm Iudicvm, Consvlvm, Senatorvm, Et Aliorvm  
Magistratvum Cvm Ecclesiasticorum tum Politicorum  
omnium**

**Tympe, Matthäus**

**Coloniae Agrippinae, 1617**

45 Peregrinationibus prudentiam auxisse.

[urn:nbn:de:hbz:466:1-52641](https://nbn-resolving.org/urn:nbn:de:hbz:466:1-52641)

Alum, & suos milites otio & luxuria corruptos,  
 & quasi liquefactos obseruauit. *Diod. Sic. lib. 6.*  
*Xenoph. Cyr. lib. 1.*

## SIGNVM XLV.

## PEREGRINATIONIBVS PRV-

*dentiam auxisse.*

Peregrinationes, (seu patrijs sedibus aliquan-  
 do euolare, alia s'que gentes, terras, ac nationes  
 visitare,) prodesse ijs, qui aliquando ad clauum  
 Reip. ad mouendi sunt, hæc docent rationes. (*M.*  
*lin. in quæst. Pol.*)

Quemadmodum *μαμμόρεςτοι*, apte ma-  
 triculas semper hærentes, sunt inhumani & mo-  
 rosi: ita qui peregrinati sunt aliquando, sunt hu-  
 mani erga peregrinos & externos: quia non ignari  
 mali, *miseris succurrere* didicerunt, & dum recor-  
 dantur suorum malorum, ipsi alijs laborantibus  
 succurrunt. (*Arist. 2. Rhet. de Miseric.*)

Alienis moribus & institutis perspectis red-  
 duntur meliores, vel vitiosos mores emendant:  
*Herod. lib. 4.* & qui peregrinantur, alijs sese ac-  
 commodare coguntur, & cauere, ne, quorum o-  
 pera indigent, eos offendant. *Plut. in Alcib. &*  
*Themist.* Moderatio in peregrinatione discitur,  
 humanitas & frugalitas: quia ibi sæpe offa, & to-  
 rto herbaceus, famis ac laboris medelæ sunt.  
*Iob. Serm. 38.* *Syr. 39. v. 5. In terram alienigena-*  
*rum gentium pertransiet, &c.*

Paratur in ea experientia, & vsus rerum, &  
 quemadmodum Corallium,

*quo primum contigit auras*

*Tempore, durefcit, mollis fuit herba sub vndis:*

Aaa 2

(Ouid.

(Quid. 15. Metamorph. ) ita qui domi mollior, delicatè, sine fructu vixerunt, melius conformantur iudicium, ad quæuis subeunda apti redduntur.

4. Alienigenarum moribus & legibus perspectis, & meliores & cautiores efficiuntur cives. Ergo ad ferendas leges, & capeffendam Reip. prodest multarum nationum leges & instituta cognoscere: videre quænam Reip. forma quibus hominibus conueniat, quæ sint consuetudines, ingenia, mores, naturam hominum, (maximè finitimorum.) (Arist. 1. Rhet. cap. 4. Polit. 7. cap. 6. Plato 11. de Leg.)

5. In peregrinatione breui tempore, maximè conuersando cum doctis & sapientibus, discitur, seu acquiritur, quod difficulter alij legendo acquuntur: (Seneca lib. 14. epist. 95.) imò multè discuntur, & oculis cernuntur, quæ nulla disciplina, nulloque doctore vnquam perdisci potuissent: & certiora sunt, quæ videntur, quàm quæ audiuntur: quia non ex aliorum fide, & autoritate, sed inspectione propria pendent: & magis delectant, quæ videntur, quàm quæ audiuntur. Horatius: *Segnius irritant, &c.*

Itaque qui fuerunt magni & docti peregrinationibus operam dederunt.

1. *Alexander Magnus* maximam terrarum partem peragravit, vt ea perdisceret, quæ ad optimam Regis disciplinam pertinerent. (Lælius lib. 1. in Vita Archelæi.)

2. *Homerus* præcipuè laudat *Vlysem* à diuina & longinqua peregrinatione, & quasi præsertim eius peregrinationem omnibus rebus, quas didicerat in decennali bello Troiano. (Qui peregrinatur, sint ætate integri, ingenio maturi, virtutibus

(has robusti, vsu rerum experti.) *Cassiod. epist. 39. Var.*) Prudentiores illi semper habiti sunt, qui multorum hominum conuersationibus probantur eruditi.

3. *Cambyfes Rex Persarum* multa ex diuturna peregrinatione didicit, quæ deinde *Cyrum* filium edocuit. *Xenoph.*

4. *Mithridates Rex Ponti* Asiam peruagatus est, omniumque urbium situs ac regiones cognouit. Quo quidem peregrinandi studio effecit, ut omnium penè linguarum peritiam assécutus sit, adeo ut 22. diuersis nationibus, quibus imperabat, sua cuique lingua ius dicere solitus fuerit, & pro cõcõione singulas sine interprete affari. *Plut. in bel. lib. 10.*

5. *Veneti* diligentius, quàm cæteræ aliæ nationes, (ut refert *Scipio Amiratus lib. 13. diff. discurs.*) externorum notitiam conquirentes, Oratoribus suis, quos ad maximos terrarum Principes mittunt, id oneris iniungunt, ut post legationem in Senatu referant omnia, quæ de moribus Principum, deque Regnorum situ, diuitijs, fertilitate, & natura hominum, ad quos missi sunt, explorauerunt, quod tanta facilitate perficiunt, ut saepe illis manifestiora, quàm in solis ea sint, quæ in quolibet terrarum angulo usurpantur, aut geruntur.

(\*\*\*)